

վանն պատարադի . Յոյնք առաջադրելին կատարել զայն ըստ առաջնոյն երկիցս 'ի շարաթու . Հայք ոչ առին յանձն , երկնչիմք ասեն 'ի հրամանէ Թագաւորին , զի ըստ գրոյն բաժանորդ լինելով մեր , մի օր Հայք եւ մի օր Յոյնք . նոքա ոչ հաւանեալ ընդ այս ասեն , մեք հանապազօր գընամք եւ պատարադեմք պայմանաւ առաջնութեան ըստ հրովարտակին , եւ ապա դուք զկնի մեր , չիչխելով երբէք իրերաց . չխարացեալ Հայոց հակառակիլ՝ հաւանեցան : Եւ ապա առաջի եդին զբանն պատարադեւոյ յԱյրին Յնընդեան : Յոյնք ասեն՝ ամենայն ինչ կատարեալ է վանն Բեթղեհէմի , զի կալայք զհիւսիսակողմն եկեղեցւոյն ամենայն պարադայիւք սեփհական ձեզ , ուր կատարէք հանապազօր զպաշտօն եւ զպատարադն ձեր , այլ վանն պատարադեւոյ յԱյրին չհաճիմք եւ չթողումք երբէք . զի ոչ ոք լուաւ եւ ետես մինչեւ ցայժմ թէ Հայք պատարադէին անդ : Հայք ասեն՝ զի ոչ եթէ հրամանաւ ձերով , այլ Արքային՝ իրբեւ բաժանորդ անարգել ունիմք կատարել զամենայն ինչ ընդ ձեզ . միայն խորհրդակցութեամբ հարկ է սահմանել զժամանակն , զի անհնարին է առանց պատարադի մնալ անդ Հայոց . զի հինն էանց եւ գրեանքն ունայնացան . ձեր եւ մեր նոր հրովարտակքն 'ի մի եւ նոյն միտս գրեալ են , եւ մինչ վիճէին 'ի վերայ այսր խնդրոյ , Յոյնք զայլ իմն բան առաջի եդին , կատարել Հայոց յեկեղեցի իւրեանց զժամերգութիւն , եւ 'ի ժամ պատարադին Յունաց յԱյրին՝ գալ պատարադել 'ի վերայ խորանաց . զի գիշերային եւ երեկոյեան ժամերգութիւնն գողով 'ի միասին , ձայնք երգեցողաց խափանէին զպաշտօնն . ընդ որ դժկամակեալ Հայոց ասեն՝ ուրեմն եւ ձեզ պարտ է կատարել զժամերգութիւնն յեկեղեցիս ձեր . եւ յերկարիլ բանից 'ի վերայ այսր , վերջապէս Յոյնք ոչ ետուն հաւանութիւն պատարադեւոյ Հայոց յԱյրին . եւ ելեալ զնացին յատեան Գատաւորաց եւ զնոյն խնդիր երկրորդեցին անդ , եւ նոքա ասեն , անմարթ է Հայոց մնալ առանց պատարադի , խօսեցարուք ընդ միմեանս եւ տնօրինեցէք : Այլ նոքա պնդէին չտալ հաւանութիւն , եւ ելին արտաքս . եւ միաբանք Հայոց եկեալ պատմեցին զամենայն անցս Պատրիարքին եւ խորհրդականաց :